

<i>Dependencia</i> CMG.- Asistencia á Xunta de Goberno da cidade de Santiago de Compostela 77.- TMARE		
<i>Documento</i> CMG1210US	<i>Expediente</i>	<i>Fecha</i> 15-05-18 10:53

Número 9 .- Proposta da concelleira delegada de Economía e Facenda relativa á adxudicación do contrato baseado no acordo marco para a prestación do servizo de mediación de riscos e seguros pola central de contratación da FEMP.

Destinatario

15078DCMG1210USS



A Xunta de Goberno da cidade de Santiago de Compostela, na sesión ordinaria que tivo lugar o día 11 de maio de 2018 adoptou o seguinte acordo:

NÚMERO 9 .- PROPOSTA DA CONCELLEIRA DELEGADA DE ECONOMÍA E FACENDA RELATIVA Á ADXUDICACIÓN DO CONTRATO BASEADO NO ACORDO MARCO PARA A PRESTACIÓN DO SERVIZO DE MEDIACIÓN DE RISCOS E SEGUROS POLA CENTRAL DE CONTRATACIÓN DA FEMP.

Dáse conta á Xunta de Goberno da cidade de Santiago de Compostela da proposta da concelleira delegada de Economía e Facenda, de data 4 de maio de 2018; así como do informe da xefa do servizo da Asesoría Xurídica, de 2.5.18, que conta co conforme do director da Asesoría Xurídica.

A devandita proposta é do seguinte teor literal:

"Título: Servizo de mediación de riscos e seguros do Concello de Santiago de Compostela

Tipo de Contrato: Contrato Baseado no Acordo Marco para a prestación do servizo de mediación de riscos e seguros pola Central de Contratación da FEMP

ANTECEDENTES

1. Memoria xustificativa das necesidades de servizo: Visto o informe/memoria xustificativa que se achega, faise evidente a necesidade de contar cun servizo de mediación de riscos e seguros que preste asistencia no desenvolvemento dos traballos previos á celebración dos contratos de seguro e asesore na definición de cada

<i>Dependencia</i> CMG.- Asistencia á Xunta de Goberno da cidade de Santiago de Compostela 77.- TMARE		
<i>Documento</i> CMG1210US	<i>Expediente</i>	<i>Fecha</i> 15-05-18 10:53

unha das pólizas que estimen necesarias.

2. Adhesión á Central de Contratación da FEMP: De conformidade co acordo plenario do 7 de novembro de 2014, o Concello de Santiago de Compostela adheriuse á Central de Contratación da FEMP, que se constitúe como un sistema de racionalización da contratación ao servizo das súas entidades locais asociadas.

3. A FEMP, a través da súa Central de Contratación, ten licitado en beneficio dos seus asociados o servizo de mediación de riscos e seguros mediante un Acordo Marco cun único adxudicatario e 6 lotes xeográficos, en base a uns pregos de Cláusulas Administrativas Particulares (PCAP) e uns Pregos de Prescricións Técnicas (PPT).

Na referida licitación a FEMP observou todos os requisitos e procedementos esixibles á contratación das Administracións Públicas.

En virtude da proposta de adxudicación do Órgano de Contratación da FEMP de 18/11/2016 no Procedemento de licitación 04/2016, WILLIS IBERIA CORREDURÍA DE SEGUROS Y REASEGUROS, S.A. resultou proposta como adxudicataria do Lote 1 formalizándose a resolución de adxudicación o 9/12/2016 e asinándose o Acordo Marco o 16 de xaneiro de 2017.

4. O Acordo Marco ten unha vixencia de 24 meses, máis unha posible prórroga de 12 meses máis, polo que na actualidade se atopa en vigor. En consecuencia poderán adxudicarse Contratos Baseados no dito Acordo Marco durante a súa vixencia, incluídas as súas prórrogas.

5. Ao fío do citado Acordo Marco, este concello pode subscribir o correspondente contrato Baseado coa empresa adxudicataria, que comprenderá todos os servizos referidos no Acordo Marco nas condicións fixadas no PCAP e no PPT.

6. O obxecto do Contrato Baseado comprenderá o asesoramento técnico especializado para a cobertura e xestión dos riscos que afectan ás Entidades Locais, a adecuación dos riscos ás pólizas que se contraten e a posterior asistencia na tramitación de incidencias, reclamacións e danos que se produzan durante a súa vixencia.

7. De conformidade co artigo 198 do Real Decreto 3/2011, do 14 de novembro, que aproba o Texto Refundido da Lei de Contratos do Sector público, en adiante TRLCSP, este concello pode levar a cabo a

<i>Dependencia</i> CMG.- Asistencia á Xunta de Goberno da cidade de Santiago de Compostela 77.- TMARE		
<i>Documento</i> CMG1210US	<i>Expediente</i>	<i>Fecha</i> 15-05-18 10:53

contratación do servizo a través da suscripción dun Acordo Marco coa adxudicataria sen que se estime preciso efectuar unha consulta con esta para completar a oferta, ao considerar que dita oferta é suficientemente detallada.

8. A retribución do contratista virá fixada pola comisión sobre a prima que perciba das correspondentes compañías de seguros, derivadas das pólizas que contrate o concello, e en todo caso aboarase pola entidade aseguradora, sen que derive gasto ou custo ningún para o concello. Tampouco lle xera ao concello dereito ningún, nin obriga de tipo económico, polo que non é preceptiva a elaboración dun informe de fiscalización, nin retención de crédito.

9. Que o Contrato Baseado, se axusta ás seguintes condicións:

- Oferta económica realizada ao lote nº 1: 7%
- Valor estimado do Contrato: 14.937,74 euros
- Duración: 1 ano, prorrogable por 1 ano máis.
- Revisión de prezos: No
- Garantías: Non se establecen, xa que tanto na Cláusula 14 do PCAP como na Disposición 9 do Acordo Marco se prevé que a garantía constituída polo adxudicatario responde dos incumprimentos dos Contratos Baseados.

O Contrato baseado no Acordo Marco entenderase perfeccionado ao seren notificada a adxudicación ao contratista por parte da Entidade Local peticionaria.

Dita notificación realizarase mediante a aplicación informática que para o efecto se dispoña por parte da Central de Contratación de la FEMP a favor das entidades locais adheridas.

O concello deberá incluír na plataforma da FEMP toda a información referente á tramitación do Contrato Baseado, que como mínimo conterá, a resolución de adxudicación e o contrato formalizado.

FUNDAMENTOS XURÍDICOS

PRIMEIRO: O procedemento de adxudicación realizouse de conformidade co disposto no Acordo Marco para a prestación dun servizo de

<i>Dependencia</i> CMG.- Asistencia á Xunta de Goberno da cidade de Santiago de Compostela 77.- TMARE		
<i>Documento</i> CMG1210US	<i>Expediente</i>	<i>Fecha</i> 15-05-18 10:53

Mediación de Riscos e Seguros e nos PCAP e PPT que rexeron a licitación, trala adhesión por parte do Concello de Santiago de Compostela á Central de Contratación, segundo o Acordo plenario do 7 de novembro de 2014.

SEGUNDO: A execución e resolución do contrato supeditase ao disposto: no Acordo Marco para a prestación dun servizo de Mediación de Riscos e Seguros, nos PCAP e PPT que rexeron a licitación deste acordo, no TRLCSP, no Real Decreto 817/2009, do 8 de maio, polo que se desenvolve parcialmente o TRLCSP, e en canto non se opoña, ao sinalado no Real Decreto 1098/2001, do 12 de outubro, que aproba o Regulamento Xeral da Lei de contratos das Administracións Públicas, en adiante RXCAP

Así mesmo será de aplicación ao Acordo Marco e aos Contratos Baseados nel, a normativa sectorial vixente en cada momento, en especial:

-Lei 26/2006, do 17 de xullo, de Mediación de Seguros e Reaseguros privados

-Lei 50/1980, do 8 de outubro, de Contrato de Seguro

-Real Decreto Legislativo 6/2004, do 29 de outubro, polo que se aproba o Texto Refundido da Lei de Ordenación e Supervisión dos Seguros Privados

- Lei 30/1995, do 8 de novembro, de Seguros Privados

-A parte que subsiste vixente do Real Decreto 2486/1998, do 20 de novembro, que aproba o Regulamento de Ordenación e Supervisión de Seguros Privados (tralo Real Decreto 1060/2015, do 10 de novembro) e demais disposicións de desenvolvemento e de dereito privado de xeral e concordante aplicación.

Asemade, á presente contratación tamén lle resulta de aplicación a Lei orgánica 15/1999, do 13 de decembro, de Protección de Datos de carácter Persoal e o Real Decreto 1720/2007, do 21 de decembro, polo que se aproba o Regulamento de Desenvolvemento da Lei 15/1999, do 13 de decembro.

TERCEIRO: O órgano de contratación é a Xunta de Goberno Local de conformidade co sinalado na Disposición Adicional Segunda parágrafo 4 do TRLCSP.

Á vista da memoria xustificativa e de todo o exposto,

PROPOÑO Á XUNTA DE GOBERNO LOCAL:

<i>Dependencia</i> CMG.- Asistencia á Xunta de Goberno da cidade de Santiago de Compostela 77.- TMARE		
<i>Documento</i> CMG1210US	<i>Expediente</i>	<i>Fecha</i> 15-05-18 10:53

PRIMEIRO.- Adxudicar o Contrato Baseado para a mediación dos riscos e seguros do Concello de Santiago de Compostela á adxudicataria do Lote 1 do procedemento de contratación n° 04/16 seguido pola Central de Contratación da FEMP, **WILLIS IBERIA CORREDURÍA DE SEGUROS Y REASEGUROS, S.A.** con suxeción ás condicións previstas no antecedente n° 9, así como ao disposto no Acordo Marco, no Prego de Cláusulas Administrativas Particulares e no Prego de Prescripcóns Técnicas.
SEGUNDO.- Notificar á adxudicataria a través da plataforma informática da Central de Contratación, publicar a resolución no perfil do contratante do Concello de Santiago de Compostela e formalizar o contrato, con efectos dende o 12 de xullo de 2018, incorporándoo á plataforma informática da Central de Contratación da FEMP."

Informados/as os/as concelleiros/as, a Xunta de Goberno da cidade de Santiago de Compostela acorda por unanimidade dos seus membros presentes:

PRIMEIRO.- Adxudicar o Contrato Baseado para a mediación dos riscos e seguros do Concello de Santiago de Compostela á adxudicataria do Lote 1 do procedemento de contratación n° 04/16 seguido pola Central de Contratación da FEMP, **WILLIS IBERIA CORREDURÍA DE SEGUROS Y REASEGUROS, S.A.** con suxeción ás condicións previstas no antecedente n° 9, así como ao disposto no Acordo Marco, no Prego de Cláusulas Administrativas Particulares e no Prego de Prescripcóns Técnicas.

SEGUNDO.- Notificar á adxudicataria a través da plataforma informática da Central de Contratación, publicar a resolución no perfil do contratante do Concello de Santiago de Compostela e formalizar o contrato, con efectos dende o 12 de xullo de 2018, incorporándoo á plataforma informática da Central de Contratación da FEMP.

**A CONCELLEIRA-SECRETARÍA SUPLENTE DA XUNTA DE GOBERNO DA
CIDADE DE SANTIAGO**

ASDO/MARÍA ROZAS PÉREZ

55

